

Melvin Jones stofnaði Lionshreyfinguna 7.6.1917, samtök til að líkna öðrum „að leggja lið“.

Árið 1925 ávarpaði Helen Keller Lionsþing og hvatti hreyfinguna til þess að gerast riddarar hinna blindu.

Árið 1930 fann Lionsfélaginn Georg A. Bonham upp á hvíta stafnum fyrir blinda.

Árið 1968 var LCIF, Lions Club International Foundation (Alþjóðahjálparsjóður Lions) stofnaður.

Framlög í sjóðinn eru frjáls og koma frá Lionsfélögum víðs vegar um heiminn. Kjarnaverkefni sjóðsins eru 8 talsins: Sykursýki, umhverfisvernd, hungur, sjónvernd, krabbamein barna, ungmennamálefni, náttúruhamfarir og ýmis óflokkuð mannúðarverkefni.



Árið 1987 var felld út það ákvæði að Lionsfélagar yrðu að vera karlkyns.

Leo er ungliðahreyfing Lions fyrir ungt fólk á aldrinum 12-30 ára sem skiptist í Alpha og Omega eftir aldri.

Lionsklúbbum er skipað í umdæmi eftir fjölda klúbba, félaga og landfræðilegri skiptingu og er stýrt af umdæmisstjóra sem myndar umdæmisstjórn sér til aðstoðar við að vinna með sér á milli umdæmisþinga.

Ef fleiri en eitt umdæmi er myndað innan ákveðins lands (hóp landa) er myndað fjölumdæmi sem er stýrt af fjölumdæmisstjóra sem myndar fjölumdæmisstjórn sér til aðstoðar við að vinna með sér á milli fjölumdæmisþinga.

Lionshreyfingin er alþjóðleg hreyfing. Árlega er haldið alþjóðþing og þar er kosinn alþjóðaforseti og alþjóðastjórn til að fara með vald alþjóðþingsins milli þinga.

Sex Íslendingar hafa gegnt stöðu alþjóðastjórnarmanns.

Árið 2018 gerðist sá merki atburður að Íslendingurinn Guðrún Björt Yngvadóttir, var kosin alþjóðaforseti, fyrst kvenna og náði miklum meðbyr með hreyfingunni.

Lions á Íslandi tekur þátt í alþjóðasamstarfi með hinum Norðurlöndunum (NSR) NSR heldur fundi einu sinni á ári og skiptast löndin á að halda þann fund.

Þann 14. ágúst 1951 var fyrsti Lionsklúbburinn á Íslandi stofnaður, Lkl. Reykjavíkur að frumkvæði Magnúsar Kvaran.



Lionshreyfingin á Íslandi fékk númerið 109, árið 1972 var samþykkt tillaga um skiptingu umdæmis 109 í tvö umdæmi A og B sem mynda fjölumdæmi 109.

Lionshreyfingin á Íslandi er með tvo sjóði, *Heiðursjóð Guðrúnar Bjartar*, sem sér um að veita neyðaraðstoð og styrkja innlend og alþjóðleg verkefni og *Verkefnasjóð Lionsfjölumdæmis 109*, sem heldur utan um fjármagn til fastra verkefna.

Lionsklúbbar á Íslandi styðja við ýmis málefni/verkefni í heimabyggð, bæði með vinnuframlagi og styrkjum.

Lionshreyfingin rekur skrifstofu að Hlíðasmára 14, Kópavogi. Þangað geta allir félagar og stjórnir klúbba leitað. Á skrifstofunni er seldur margvíslegur varningur fyrir félagsstarfið.

Íslenska hreyfingin er með nokkur sameiginleg verkefni: Sykursýkisvarnir, gleraugnasöfnun, ungmennaskipti, birkifræsöfnun, friðarveggsþjaldakeppni, MedicAlert og stóru söfnunina okkar sem haldin er á þriggja ára fresti, Rauða fjöður.



Tímaritið Lion kemur út 6 sinnum á ári, þar af eru tvö prentuð blöð en öll eru send rafrænt til félaga og sett á lions.is

Heimasíða Lionshreyfingarinnar á Íslandi: www.lions.is

Facebook-síður: Lions á Íslandi (opin síða) og LIONS MÁL. (lokuð síða fyrir Lionsfélaga).

Heimasíða LCI: www.lionsclub.org

Lions er alþjóðleg hreyfing og skammstafanir því talsvert notaðar þegar á þarf að halda. Þessar skammstafanir eiga við bæði í klúbbastarfi, í umdæminu osfrv. Formaður er GAT-stjórinn, sem stendur fyrir (**G**lobal **A**ction **T**eam), formaður verkefnanefndar er GST (**G**lobal **S**ervice **T**eam), formaður félaganefndar er GMT (**G**lobal **M**ember **T**eam) og formaður leiðtoga- og fræðslunefndar er GLT (**G**lobal **L**eadership **T**eam). Í fjöllumdæmi og umdæmum starfa einnig útbreiðslustjórar/ fulltrúar GET (**G**lobal **E**xtension **T**eam).



Í skipulagi Lionshreyfingarinnar er ákveðin þrískipting þ.e. klúbburinn, umdæmið og Alþjóðahreyfingin. Til þess að annast rekstur þessara eininga eru greidd gjöld til Alþjóðahreyfingarinnar, umdæmisins og félagsgjöld í klúbbunum.

Lionshreyfingin leggur mikla áherslu á að fræða félagana bæði um starf hreyfingarinnar sem slíkrar en einnig að auka færni þeirra í félagsstörfum. Í boði eru námskeið af ýmsum toga, Leiðtogaskóli og skólar fyrir verðandi formenn, ritara, gjaldkera og svæðisstjóra.

Klúbbar geta fengið margvísleg námskeið í tengslum við klúbbfundi og svæðisfundi. Fræðsluteymið býður einnig upp á margvísleg netnámskeið, félögum að kostnaðarlausu.

Litirnir í merkinu hafa ákveðna merkingu. Þegar hreyfingin var stofnuð árið 1917 var ákveðið að opinberir litir hreyfingarinnar skyldu vera hinir konunglegu litir blár og gylltur. Litirnir minna Lions félaga á þessa eiginleika: Tryggð, hollustu, heiðarleika, einlægni, heilbrigði, umburðarlyndi og örlæti.

Hvað táknar Lionsmerkið? Ekki bara konung dýranna. Orðið Lions er skammstöfun á enskum orðum sem túlka mikilvæga þætti í félagskap okkar, Lionshreyfingunni.

L er fyrir liberty (frelsi)

I er fyrir intelligence (skilningur)

O er fyrir our (okkar)

N er fyrir nations (þjóðar)

S er fyrir safety (öryggi)



Ljónin sem horfa bæði fram og aftur tákna það að horfa til framtíðar og til fortíðar. Við horfum stolt til fortíðar og reynslunnar sem við höfum öðlast og lítum björtum augum til framtíðar og tækifæranna sem bíða okkar.

Gleymum ekki að bera merkin okkar. Lionsmerkið gefur oft tækifæri til að ræða við aðra Lionsfélaga sem við mætum á förnum vegi.